


捍海塘志



吳越國書

肅王時

石

山石肅王時



捍海塘志序

吾杭本澤國也江承海下流當秋七八月潮汐與月之弦望氣相應自海門長驅至江衝擊莫遏時有蕩析者吏民恆苦之錢武肅王保有吳越思弭其患乃運石爲基築捍海塘立鐵幢以表塘界方潮之來也浸越土塹版築無所施乃函詩投之召勇士以鐵弩三千當其鋒氣殺而塘成迄今千有餘年王曾孫惟演紀之特詳他若傾圮之故修治之方載于咸淳河渠及郡縣諸志所謂有開必先難乎其初者我朝

捍海塘志序

一

聖祖仁皇帝五巡江浙嘗嘉獎焉

世宗憲皇帝特賜誠應武肅王號製造神牌我

皇六幸浙

躬蒞海隅指授方略發內帑增修俾之永固則王之

偉績直與

國恩並垂不朽此固國史載之河渠書之而杭人之躬沐

皇仁者原其始事而推其首功此志又烏可少哉余觀察是邦塘務尤所專責每春秋二汎及公餘率寮屬往行塘上相度經營未嘗不嘆王之威



神足以達幽而小民幸生逢

盛世綢繆而鞏固之得熙熙然恃此塘爲天塹也  
于是乎書

嘉慶二年歲次丁巳仲冬十九日浙江分巡杭  
嘉湖海防兵備道無錫秦瀛撰

捍海塘志序

杭郡有仁和縣宋汴都有仁和門高宗南渡過杭聞縣名仁和喜曰此京師城門名也駐蹕之意始此文藻竊謂吳越武肅王之有國其事正與此相類武肅當唐景福初除鎮海軍節度使後徙鎮海軍額於杭州由是奄有浙東西土宇未始不因郡有錢塘宜爲錢氏之國之徵也錢塘縣建置始於秦而劉道眞錢塘記謂漢議曹華信立塘防水募有能致土石者卽與錢塘成而縣境蒙利於是爲錢塘縣自李吉甫以下多

捍海塘志序

三

疑此說爲謬謂秦時已名錢唐不始於華信也新修杭州府志又謂秦時唐字無土至此加土庸詎不因華議曹築塘事乎若云唐時加土則道眞宋元嘉間人也何遂以錢塘記名其書乎文藻謂築塘捍水無錢則何由致土石凡塘皆然不必杭郡江塘獨以錢著說文本無塘字塘皆作唐周語陂唐汚痺以鍾其美注云唐俗本作塘則劉道眞之錢塘記或亦後人俗書乎此皆不具論武肅領節度於鎮海而州境有塘適與姓合武肅又施功於塘萬世蒙其利雖謂塘

之名錢爲武肅先兆焉可也五代十國若南唐西蜀南漢北漢湖南荆南漳泉宋史傳列於世家逾數百年來過其遺墟訪其後嗣罕有能稱道之者獨吳越廟祀之崇子孫之盛徧滿十四州境豈非以武肅之豐功偉烈不可磨滅也歟武肅之功烈人皆知其後納土歸朝使生民不遭兵革爲最大而不知築塘捍海之功尤足垂萬世而不敝也文藻與錢君階中舊同里居好學能文有聲黌序近承其叔萼園先生之命修錢氏宗譜因先輯表忠觀志旣成出所列捍海

捍海塘志序

四

塘志一種披而讀之繪圖列說諸家志乘傳記所載強弩射潮之事采撮賅備他如金塗塔鐵券蘇碑備攷經籍志書畫錄金石錄志餘諸類無不稱是譜牒之資於考鏡者莫若錢氏而錢氏譜之有繫於郡人謳思者又莫若捍海塘矣讀是志者不徒嘉其博覽多聞而尤重其學識之能見其大也

嘉慶二年歲次丁巳仲冬廿又九日朱文藻謹識

捍海塘志目錄

恭紀

宸章

部文

武肅王像

射潮圖

錢江圖說

武肅王與海神詩

文僖公錄築塘遺事

志載

捍海塘志

一

鐵幢志

廣志 後附吉大中丞重修表忠觀碑記

水利 附

嘉慶二年丁巳冬十一月下澣六日

吳越三十世孫文瀚萼園氏恭輯

宸章

康熙四十四年



聖祖仁皇帝南巡

聖駕臨幸表忠觀

御題扁額曰

保障江山

賜懸殿中撫臣朱軾恭摹勒石

雍正三年

世宗憲皇帝以唐吳越國武肅王錢鏐爲浙省江海保

障

捍海塘志

二

勅封誠應武肅王

雍正七年欽奉

上諭建海神廟于海甯縣熙春門內崇奉

勅封甯民顯佑浙海之神以唐吳越國武肅王

勅封誠應武肅王錢鏐及吳行人

勅封英衛公伍員配享殿庭其左右兩廡以越上大夫

文種等十六人從祀

御製碑文匾額以昭靈貺

乾隆二十七年三月

皇上三巡江浙

聖駕臨幸表忠觀

御書祠柱一聯

賜懸祠內聯句云

勲勒金書納土當年資保世

業基石鏡築塘奕禩慶安瀾

御製表忠觀詩

歷世戴京洛承家保土疆伐唐曾助旅納越遂來

王試看尸還社不離梓與桑千秋爲民意博得號

錢塘

壬午暮春

捍海塘志

三

御題

部文

禮部謹

題爲遵

旨敬陳事臣部會同工部議得浙江督撫疏稱查江海廟祀諸神有唐代武肅王錢鏐實爲浙省江海保障之神應

題請封號等因具

題前來查得雍正二年八月內詹事府少詹事錢以塏奏稱江海之神請

恩褒爵秩以示尊崇等語一疏臣部以沿海地方廟

捍海塘志

四

祀諸神果有捍禦保障之功應請封爵者令該督撫查明彙

題等因議覆具奏奉

旨依議這致祭禮儀着極加虔敬其應封字號着敬慎撰擬仍行文直隸山東江南浙江福建廣東督撫每省各查一江海神大廟將修理之處具奏欽此欽遵行文在案今該撫旣稱唐武肅王錢鏐實爲浙省江海保障之神等語應如所請加以

封號其字號交與內閣撰擬進

呈恭候

命下之日行文該撫轉飭該地方官於各廟內製造  
神牌安設致祭一次每歲春秋二次仍照例致  
祭可也雍正三年六月二十六日

題本月二十八日奉

旨依議欽此准內閣發出封號唐武肅王錢鏐封號  
欽定誠應武肅王



宋理宗皇帝勅賜像贊

威鎮華夏功揭天地一代英雄  
千載廟祀有象斯存凜然生氣

端平二年二月十二日

詔翰林真德秀撰

耐


濶

圖

捍海塘志

七





捍海塘志

八



仰天誓江月星  
 晦蒙强弩射潮  
 江海為東

節錄蘇文忠公表  
 忠觀碑銘

錢塘江圖說

浙江通志錢塘江曰浙江一稱浙河山海經云禹治水至於浙江亦名曲江枚乘七發云觀濤於廣陵之曲江又桑欽水經作漸江又險不可犯名羅刹江江源發於丹陽歙縣出新安江入嚴州桐江而衢州之水自玉山來與金華之水匯流至蘭谿俱會於桐江入杭之富陽曰富春江至錢塘曰錢塘江曲折而東歸於海此由江達海之次第也海潮由鯨子門入受龕赭諸山所迫東或不得騁與山爭勢拗怒不洩下有沙

捍海塘志

九

潭隔礙洪波起而爲濤奔騰衝擊逆流數百里越定山經漁浦至富春江始平此由海入江之次第也潮一晝夜再至隨月消長而秋八月更大江岸受囓易致沖潰築隄捍江著於吳越錢氏而强弩之射潮亦爲之卻避謂非精誠之感歟我

朝至德懷柔百靈效順旣建沿江石隄定爲歲修  
雍正五年復

褒封錢王伍相之神俾揚旆於銀濤雪浪之間安瀾  
胥慶民奠厥居

聖澤之長與江流俱永云

捍海塘志

十

詩

武肅王

築塘與海神詩

天分浙水應東溟日夜波濤不暫停千尺巨隄衝欲  
裂萬人力禦勢須平吳都地窄兵師廣羅刹名高海  
衆猶爲報龍王及水府錢塘借取作錢城

捍海塘志

十一